

قرأت لك

إرادة الله وحریتنا

✍ خدام مدرسة مار إفرام السرياني

إزاي فيه شر في العالم طالما ربنا موجود و إرادته دائماً خير؟ و هل أنا حر فعلاً؟ و إزاي أستغل حریتي؟



💡 مستوحى من : كتاب 'C.S. Lewis - Mere Christianity'

مشيئة الله vs. سماح الله

🔴 العالم فيه شر كثير ... دي حقيقة لا يمكن إنكارها ... قتل و سرقة و ظلم و فساد و خطية ... عالم صعب جداً و فيه تحديات صعبة و آلام كثيرة عموماً، و خصوصاً لأي حد عايز يمشي في سكة ربنا (الباب الضيق)

🟢 و طبعاً إحنا عارفين مشيئة ربنا زي ما بيقول الكتاب المقدس إن كلها خير، و كلها خلاص و عدل و حق ... عارفين إن ربنا بيكره الظلم

الذي يريد أن جميع الناس يخلصون، وإلى معرفة الحق يقبلون

— تيموثاوس الأولى 2 : 4

🔵 و عارفين كمان إن ربنا هو كَلِّي القدرة ... هو ضابط الكل اللي عنده كل سلطان على كل خليقته

❓ يبقى السؤال المنطقي: **ليه فيه شر في العالم؟ و ربنا فين منه؟**

إزاي ممكن يحصل شيء على عكس مشيئة الله الكَلِّي القدرة؟

طبعاً ده السؤال اللي أبعد ناس كثير عن ربنا، لأن في تصوّرهم طالما الشر بيحصل يبقى ربنا مش موجود

💡 و تيجي الإجابة في نقطتين:

1. **الشر بسماح من الله و ليس بمشيئة منه** : دي نقطة مهمة جداً، فيه فارق بين إن ربنا يسمح بحدوث شيء و بين

إنه يريد أن يحدث هذا الشيء

يعني فيه حاجات كثير بتحصل عكس مشيئة ربنا لكن بسماح منه ... طيب إيه سبب الحاجات دي؟

2. **حرية الإرادة** : الحقيقة إن ربنا خلق الإنسان و عنده حرية في مشيئته
يقدر يعمل خير زي ما ربنا عايز ... و يقدر في أحيان كثير يعمل شرّ عكس إرادة ربنا

إذاً، حرية الإرادة هي اللي خلّت الشرّ ممكن

📁 **ليه الحرية؟**

? يبقى السؤال المنطقي: **طيب ليه ربنا خلقنا أحرار طالما الحرية هي سبب الشر؟**

😊 الإجابة ببساطة إن **الحرية كمان هي الحاجة الوحيدة اللي بتسبب الحب و الخير و الفرح و السعادة**
من غير حرية هانتحول ل robots بتنقذ البرنامج اللي هي متبرمجة عليه، و بالتالي مش هانقدر نحب ربنا بجد

👉 و ربنا لّمّا حظّ قدامه مزايا و عيوب الحرية، اختار إنه يعطيها لينا رغم سابق علمه بالنتائج السيئة
و بالتالي لازم نتقبل التّقن ده مقابل إمكانية إننا نستمتع بحب الله و عشرته باختيارنا

و الحرية ببساطة هي بين طريقين، لازم نسلك في واحد فيهم

✖ **الاختيار الخاطيء**

👉 **الاختيار الأول إنني أختار أكون سيّد نفسي**

و دي خطية الشيطان، و الخطية الأولى اللي دخلها في فكر الإنسان لّمّا قال لآدم و حوّاء (تصيران مثل الله)

📌 يعني الواحد يحاول يستقل بذاته عن ربنا و يبحث هو بطريقته عن السعادة
و الحقيقة الإنسان حاول يمشي في السكة دي كثير و لسة بيحاول لكن مش بتنفع ... ناس لو بّصينا عليهم من بعيد نلاقي
عندهم كل مقومات السعادة من غنى أو شهرة أو إمكانيات أو محبة الناس ليهم أو ممتلكات أو أي سبب بفهمنا يسبب
السعادة ...

لكن دايماً بتلاقي الناس دي لو ربنا مش هو مركز حياتها، حاسين بعدم الشبع و الملل، لدرجة إن كثير منهم بيجيلهم
اكتئاب أو حتى يحاولوا ينتحروا

🚗 ده ببساطة لأن العربية تصميمها إنها تمشي بالبتروال ... لو حظيت جوّاهها أي حاجة تانية حتى لو أعلى و أكثر قيمة
بالنسبة ليك من البتروال، مش هاتمشي
ربنا صمّم الروح البشرية إنها تتغذّى على العشرة معاه، و الحقيقة الفكر ده في بال الإنسان من زمان حتى قبل المسيحية

لأننا به نحيا ونتحرك ونوجد. كما قال بعض شعرائكم أيضا: لأننا أيضا ذريته

— أعمال الرسل 17 : 28

لا يُمكن أن يعطينا الله سعادة أو سلاماً بعيداً عنه ... لأنهما موجودان فقط حيث هو موجود

✓ الاختيار الصحيح

🔄 زي ما قلنا من بداية التاريخ، ربنا حط في الإنسان **ضمير** و الضمير ده زي ما شفنا في الآيه اللي فوق، بيوجه الإنسان إنه فيه ربنا، و إن السعادة الحقيقية معاه و فيه و بيه

👥 بعد كده **اختر شعب** و كلمهم بنفسه و أعطاهم عهده و ناموسه و وصاياه و كلامه عشان يعيشوا بيهم، و نبدا نشوف ناس فهمت فكر ربنا زي داود النبي و غيره كتير من أبرار العهد القديم اللي رقدوا على رجاء القيامة

✝ بعد كده **كلمنا في ابنه** ربنا يسوع المسيح اللي قال كذا مرّة بوضوح إنه هو الله الذي يغفر الخطايا و إنه هو الحياة و إنه هو و الآب واحد ساعتها الناس بقت يا إما تصدق يسوع المسيح إنه الله الكلمة المتجسد يا إما يتهموه بالجنون و التجديف لكن ماينفعش نكتفي بأن نقول إنه معلّم صالح أو مثال أخلاقي أو شخص كويس ... هو يا إما مركز حياتنا و أهم شخص فيها، يا إما مش موجود في حياتنا خالص

🕊 و كمان **حلّ فينا بروحه القدس** يوم ما اتعمدنا و اترشمننا بالميرون ... و الروح بيعلمنا و يرشدنا ... و يمثل حضور الله معنا كل حين

أشهد عليكم اليوم السماء و الأرض. قد جعلت قدامك الحياة و الموت. البركة و اللعنة. فاختر الحياة لكي تحيا أنت و نسلك

— تثنية 30 : 19

ربنا يدّينا الإرادة و القوة إننا نختار الاختيار الصحيح ... نتمسك بيه و بوصاياه و بطريقه ... ننتظره و نستمتع بالعشرة معاه ... نقول له في القدّاس الغريغوري: أقدم لك يا سيّدي مشورات حرّيتي و أكتب أعمالتي تبعاً لأقوالك